

# *Universala Esperanto-Asocio: familioj kaj novaj teknologioj*



Okaze de la Internacia Tago de Familioj, Universala Esperanto-Asocio salutas Unuiĝintajn Naciojn per mesaĝo de solidareco.

La pandemio de KOVIM-19 metis familiojn kaj familiajn strukturojn en centran lokon dum periodo kiam en multaj landoj persona fizika kontakto estas malhelpata, la klerigado de infanoj estas interrompita, laborkondiĉoj estas renversitaj kaj tro multaj familioj suferas pro malsaniĝo aŭ eĉ perdo de familianoj.

Ni etendas niajn sentojn de solidareco al ĉiuj familioj kiuj perdis familianojn aŭ kies familia vivo suferas pro la nunaj eksterordinaraj cirkonstancoj.

La pandemio montris la gravecon de ciferecaj teknologioj por laboro, edukado kaj komunikado. La pandemio rapidigis teknologiajn ŝanĝojn, ekzemple ampleksan uzadon de enretaj platformoj, nuban komputadon, amasiĝon de datumoj kaj algoritmoj. Tio ebligis grandan flekseblecon rilate al laboro kaj lernado, sed ankaŭ aperigis malbonaĵojn kiel ekrano-laceco kaj virtuala trompado.

Kaj, dume, la tiel nomata cifereca fendo forŝlosas grandan parton de la homaro el la avantaĝoj kiujn teknologio proponas en tiu ĉi malfacila periodo.

Aldone, la hejma laboro kaj lernado, kune kun la fermado de lernejoj, pligrandigis la maltrankvilon pri gepatra el?erpi?o, kio povas malbone efiki sur infanan bonfarton. Oni povas kompreni la gepatran el?erpi?on kiel streson rilatan al infana edukado pro la malkongruo inter necesoj kaj rimedoj. Novaj teknologioj povus helpi gepatrojn plenumi siajn gepatrajn taskojn.

Gepatra klerigado fari?is aparte grava. Temas pri la servoj kiuj celas plibonigi la interagojn, kondutojn, sciojn, kredojn kaj sintenojn rilatajn al infana edukado. La gepatra klerigado estas grava ?losilo, por ke infanoj kaj familioj bonfartu. Tamen, la? la Departemento pri Ekonomiaj kaj Sociaj Aferoj de UN, la ideo pri gepatra klerigado ankora? estas malvaste rekonata de registaroj.

Novaj teknologioj povas helpi gepatrojn aliri informojn pri infana edukado, diskonigi traviva?ojn kaj trovi subtenon. Aldone, tie kie gepatroj uzas teknologiojn por vastigi la komunikadon de siaj infanoj, helpi infanojn pri novaj defioj, lerni kune kun infanoj kaj ludi kun infanoj, la gepatra klerigado povas helpi kompreni kiel bone uzi tiujn teknologiojn.

Tion jam spertis la parolantoj de Esperanto, kiuj vaste uzas komunikan teknologion por kunligi?i defore, anstata?igi la normalajn ?eestajn kunsidojn kaj renkonti?ojn kaj ligi infanojn en diversaj landoj. Per Esperanto, gepatroj povas inter?an?i informojn, traviva?ojn kaj sciojn pri infana edukado.

Bona ekzemplo estas la aktiva?oj de la Kulturdomo de Esperanto - Kastelo Greziljono, kiu inter aliaj aferoj invitas familiojn por komuna lernado kaj amuzado. Elstaras anka? la agado de Internacia Ligo de Esperantistaj Instruistoj -ILEI kaj de edukado.net.

Ni rekomendas, ke ni ?iuj uzu la novajn teknologiojn por pli bone eduki infanojn kaj pli bone familie kunvivi. Ni utiligu la Internacian Lingvon Esperanton por teni solidarecon ne nur ene de familioj sed tra la tuta homa familio, kiu, ne nur pro la pandemio, hodia? sentas eksterordinarajn stre?itecojn.

La Internacia Tago de Familioj aparte memorigu nin pri tiuj familioj kiuj suferas pro militoj, pro malsano, pro malsato kaj pro malfacila?oj komuniki?i kun siaj fratinoj kaj fratoj tra la mondo.

Fonto: uea.org

---

<https://www.radiohc.cu/eo/especiales/exclusivas/257402-universala-esperanto-asocio-familioj-kaj-novaj-teknologioj>



**Radio Habana Cuba**